

ХДР

1918-йил
21-йундан чиқа
boshlagan

№5, 2023-йил
8-феврал, chorshanba
(32.751)

O'zbekiston OVOZI

Ijtimoiy-siyosiy gazeta

Barchaga g'amxo'rlik – davlatning burchi

СТРАТЕГИК ШЕРИКЛИКНИ ЯНАДА ЧУҚУРЛАШТИРИШ МУҲИМЛИГИ ТАЪКИДЛАНДИ

Ўзбекистон Республикаси Президенти Шавкат Мирзиёев 7 февраль кун Туркман халқининг миллий етакчиси ва Туркменистон Халқ Маслаҳати Раиси Гурбангули Бердимухамедов билан телефон орқали мулоқот қилди.

Сўхбат аввалида етакчилар Ўзбекистон Республикаси ва Туркменистон ўртасида дипломатик муносабатлар ўрнатилганининг 30 йиллиги билан бир-бирларини дилдан қўтлаб, энг эзгу тилаklarини билдирдилар. Халқ Маслаҳати Раиси Туркменистон Президенти Сердар Бердимухамедовнинг ҳам самимий табриklarини етказди.

Ўтган йилларда Ўзбекистон – Туркменистон муносабатлари дўстлик, яхши қўшничилик ва ишончдек эзгу анъаналарга таянган ҳолда жадал ривожланиб боргани ва бугунги кунда стратегик шерикликдек юксак даражага кўтарилгани алоҳида қайд этилди.

Ушбу қўтлуғ кунда азалдан яқин қардошлик ришталаридан келиб чиқиб ва ўзаро ҳурмат белгиси сифатида мамлакатларимиз ўртасида дўстона ёрдам алмашилди – Туркменистондан юртимизга суюлтирилган газ партияси етказилди, ўз навбатида Ўзбекистондан қўшни мамлакатга замонавий тез ёрдам машиналари жўнатилди.

Бундан ташқари, кун кеча мамлакатларимиз пойтахтларида кенг жамоатчилик, миллий диаспоралар ва дипломатик корпус вакиллари иштирокида тантанали тадбир ва концертлар бўлиб ўтди.

Товар айирбошлашнинг ўсаётгани ҳамда "Шовот – Тошовуз" чегараолди савдо зонасини барпо этиш бўйича биргаликдаги ишлар бошлангани мамнуният билан қайд этилди. Транспорт, энергетика, саноат, қишлоқ хўжалиги ва бошқа тармоқларда муҳим кооперация лойиҳалари амалга оширилмоқда.

Сув ресурсларини бошқариш ва улардан фойдаланиш соҳасида, шу жумладан, қўшма сув хўжалиги комиссияси доирасида самарали ҳамкорлик давом этмоқда.

Ўзбекистон ва Туркменистон ўртасида, шу жумладан, ҳудудлар даражасида таълим ва маданий-гуманитар алмашинув дастурлари фаол рўёбга чиқарилмоқда.

Ўзаро манфаатли ҳамкорликни янада чуқурлаштириш ва минтақавий аҳамиятга эга стратегик лойиҳаларни биргаликда илгари суриш учун имкониятлар мавжудлиги таъкидланди.

Халқаро аҳамиятга молик долзарб масалалар юзасидан ҳам фикр алмашилди.

Телефон орқали мулоқот ҳар доимгидек самимий, очиқ ва дўстона руҳда ўтди.

Ў.А.

ИНФЛЯЦИЯ ДАРАЖАСИНИ ПАСАЙТИРИШ ЧОРАЛАРИ МУҲОКАМА ҚИЛИНДИ

Президент Шавкат Мирзиёев ҳузурда жорий йилда инфляция даражасини пасайтириш чоралари муҳокамаси юзасидан йиғилиш ўтказилди.

Маълумки, инфляция фақатгина макроиқтисодий кўрсаткич эмас, аҳоли даромади ва турмуш тарзига таъсир қилувчи омил ҳисобланади. 2022 йил якуни билан юртимизда инфляция 12,3 фоизни ташкил этган эди. Барча иқтисодий механизмларни қўллаб, жорий йилда бу кўрсаткични 10 фоиздан пастга тушириш мақсад қилинмоқда.

Бунинг учун истеъмол товарлари, шу жумладан, озиқ-овқат маҳсулотлари ишлаб чиқариш ҳажмини ошириш, уларни "даладан дастурхонгача" етказиб беришдаги харажатларни қисқартириб, арзон бўлишини таъминлаш зарурлиги таъкидланди. Қишлоқ хўжалиги маҳсулотлари етиштиришни кўпайтириш учун аҳолига ажратилган жами 200 минг гектар ердан унумли фойдаланиш бўйича кўрсатмалар берилди.

Ушбу чора-тадбирларни тизимли ташкил этиш учун ҳудудлар салоҳиятидан келиб чиқиб, ҳар бир туман ва шаҳар бўйича алоҳида "йўл хариталари" ишлаб чиқиш вазифаси қўйилди.

Аҳоли даромадларини оширишда уларнинг бўш пул маблағларини молия бозорига жалб қилиш муҳим аҳамиятга эга. Бу борада яратилган қўлайликлар ўз натижасини бермоқда. Жумладан, охириги уч йилда аҳолининг банкдаги омонатлари 2 бараварга ошди.

Лекин, бу йўналишда ҳали имкониятлар кўп. Шу боис йиғилишда аҳоли учун жозибador молиявий хизматлар турларини кўпайтириш бўйича кўрсатмалар берилди.

Ў.А.

ТУРКИЯ ВА СУРИЯДА СОДИР БЎЛГАН ЗИЛЗИЛА МИНГЛАБ ИНСОНЛАРНИНГ УМРИГА ЗОМИН БЎЛДИ. МИНГЛАБ ОДАМЛАРНИ МАЖРУҲ, МИЛЛИОНЛАБ ҚАЛБЛАРНИ ВАЙРОН ҚИЛДИ. ЎЗБЕКИСТОНЛИКЛАР ЖАБР КЎРГАНЛАРНИ, ҚАРДОШ ТУРК ХАЛҚИНИ ҚАНЧАЛИК ҚАДРЛАШИ, ЮРАГИГА ЯҚИН ОЛИШИ МУДҲИШ КУНЛАРДА ЯНАДА АНИҚ БИЛИНДИ, ҲАР БИР ОИЛА БИРОДАРИ, СИНГЛИСИ, ЖИГАРИГА КУЮНГАНДЕК КУЮНДИ.

БУЮК ТУРК ХАЛҚИ ҲАР ҚАНДАЙ СИНОВЛАРНИ ЕНГИШГА ҚОДИР. КУЧИМИЗ, КЕЛАЖАГИМИЗ МУСИБАТЛАРДА ЭМАС, БИР-БИРИМИЗНИ ҚЎЛЛАШИМИЗ, СУЯШИМИЗ, ЖОНИМИЗ КАБИ ЯХШИ КЎРИШИМИЗДА.



МУСИБАТ ва МУҲАББАТ

ПРЕЗИДЕНТ ТАШРИФИ

РАҲБАР-МУТАСАДДИЛАРНИНГ
МАСЪУЛИЯТИНИ ОШИРИБ,
ХАЛҚИМИЗНИНГ БИРДАМЛИК
РУҲИНИ КУЧАЙТИРАДИ

2-3 САҲИФА

ФРАКЦИЯ САВОЛИГА жавоб топилармикан?

4 САҲИФА



Ўзбекистон ва Туркменистон ўртасида дипломатик муносабатлар ўрнатилганининг 30 йиллиги ҳамда яқин қардошлик ришталаридан келиб чиқиб ва ўзаро ҳурмат белгиси сифатида мамлакатларимиз ўртасида дўстона ёрдам алмашилди – Туркменистондан юртимизга суюлтирилган газ партияси етказилди, ўз навбатида Ўзбекистондан қўшни мамлакатга 20 та замонавий тез ёрдам машиналари жўнатилди.

